



partii naleraq

UKA 2017/112-01

16-10-2017

Nalakkersuisut UKA 2018 sioqqullugu danskit justitsministeriaqarfiannut saaffiginnissasooq nunaqarfinni tamani kommunefogedeqarlernissaannik suleriaasissamik siunnersuusiortoqarnissaa anguniarlugu Inatsisartut aalajangiiffissaattut siunnersuut.

(Inatsisartunut ilaasortaq, Debora Kleist, Inuit Aqatatiigiiit)

Inatsisartunut ilaasortap, Debora Kleist-ip, Inuit Aqatatiiginneersup - Nalakkersuisut UKA 2018 sioqqullugu danskit inatsisit atortinneqarnerannut naalakkersuisoqarfianut saaffiginnissasut, nunaqarfiit tamarmik kommunefogedeqarlernissaannik suleriaasissamik siunnersuusiortoqarnissaa anguniarlugu Inatsisartut aalajangiiffissaattut siunnersuutaa Partii Naleraq sinnerlugu imaattumik oqaaseqarfigissuarput:

Nalunngilarput ukiorpassuannngulersuni nunaqarfiit ilaanni kommunefoged-saqarniarneq ajornartorsiutaasartooq aamma ilaatigut kommunefoged-inut atugassarititaasut pitsaangorsarniarneqartaraluartut, taamaattoq nunaqarfiit ilaanni kommunefoged-inngortitsiniartarneq ajornaatsuinnaaneq ajorpoq.

Apeqqutaavoq ilumut siunnersuutigineqartutut nunaqarfinni tamani kommunefoged-qalernissaa anguniarlugu suleriaasissamik siunnersuusiorterinnakkut tamanna piviusunngortinneqarsinnaanersoq ?

Taamaammat ajoraluartumik upperivallaanngilarput nunaqarfinni tamani kommunefoged-qalernissaa suleriaasissamik siunnersuusiorterinnakkut anguneqarsinnaassasoq.

Nalunngilarpummi kommunefoged-it sapinngisartik tamaat iliuuseqarniartartut nunaqarfinni torersuutitsinissaa eqqissisimatitsinissarlu anguniarlugit, kisianni aamma nalunngilarput pingaartumik sakkortuumik eqqissiviillioortoqartillugu allatulluunniit nunaqarfimmi ulorianartorsioqartillugu kommunefoged-ip iliuuserisinnaasai killilerujussuannngorsinnaasarmata.

Imaassinnaasarpog kommunefoged nunaqarfimmi ikiortigisinnaasaminik pissarsisinnaangitsoq aamma imaassinnaasarpog silap ajornara allanilluunniit pissuteqartumik politiinit piaartumik ikiorserneqanngitsoortut ? tassa nunaqarfippassuarni kommunefoged kisimiitsillugu eqqissisimatitsinissamik suliaqarniaraluarneq tamakkiisumik naammassineqarsinnaasangimmat inuit eqqissiviilliortitsisut allatulluunniit sakkortuumik iliuseqartut allallu inoqatiminnut uloriarnartorsiortitsisinnaasut isumannaatsumik isertinneqarallarsinnaannginnerat pissutigalugu.

Isumaqarpugut nunaqarfiit ilaanni kommunefoged-saaleqineq aammalu kommunefoged-it atugaasa pitsaanerulersinneqarnissaat pimoorullugu anguniarneqassappat, taava kommunefoged-it atorfissaqartitaat pisariaqartitaallu pillugit taakku qanimut oqaloqatiginerisigut suleqatiginerisigullu iluarsiiartogartariaqartoq, taakkuuppummi namminneq atukkaminik ilisimasaqarnerpaat.

Taama oqaaseqarluta siunnersuut appasaanneerneqannginnerani inatsiseqarnermut ataatsimiititaliami suliarineqarnissaa inassutingaarput.

Anthon Frederiksen